

ՀԱՂՈՐԴՈՒՄՆԵՐ

ՏԻԳՐԱՆ ՄԵՍՐՈՊՅԱՆ

ՀՀ պետական կառավարման ակադեմիա

ՊԵՏՈՒԹՅԱՆ ԵՒ ԵԿԵՂԵՑՈՒ ՓՈԽՅԱՐԱԲԵՐՈՒԹՅՈՒՆՆԵՐԸ
ՈՐՊԵՍ ՄԱՍՆԱԿՏԱՅԻՆ ՍՇՆԱՎՈՒՅԹԻ ԲԱՂԱՏՈՒՑԻՉ

Տեղեկատվահաղորդակցական տեխնոլոգիաների զարգացումը նոր սերնդի մարտահրավերներ է նետել մարդ արարածին: Սպառողական հոգեբանությունը, իրավիճակային հաճույքները, քաղաքակրթական անորոշությունները փոխել են մարդու վերաբերմունքը կրոնի, Եկեղեցու եւ գերբնականի նկատմամբ: Փաստորեն ԻԱ. դարի հրամայականն է՝ «մտածել գլոբալ, գործել լոկալ»: Թվում է, թե աշխարհիկ քաղաքականություն մեջ այն ներկայանում է որպես նորոշյալ, սակայն կրոնը հետեւում էր դրան իր պատմության գրեթե ողջ ընթացքում: Իրականում պատմության մեջ դրանք առաջին գլոբալ ինստիտուտներն էին: Մինչդեռ Հավատն առ գերբնականը շարժիչ ուժն է մարդու, հասարակական համակարգերի, մարդկության բարոյամետ կառավարման, նրանց անվտանգության բնականոն արդիականացման գործընթացներում:

Հավատն առ բնականոն ու գերբնականը դրսեւորվում է կրոնի միջոցով: Այն է հասարակական ամեն մի համակարգի զարգացվածության տվյալ մակարդակին համապատասխանող ազգային-քաղաքակրթական զգայական ամբողջական մտածողությունը, ինքնաճանաչման ու լինելության, ինչպես եւ դրանց զարգացման նպատակայնությունը: Աշխարհում գոյություն ունեցող կրոնները, լինելով մշակութային եւ բարոյական արժեքների կրողներ, հաճախ իրենց գործունեության արդյունքում ելք ունեն դեպի քաղաքականություն:

Գլոբալ եւ լոկալ քաղաքակրթությունները աղետներից ձերբազատելու, ինչպես նաեւ համակեցության միջոցով մարդուն կյանքի որակ եւ մակարդակ ապահովելու խնդիրները պահանջում են, որ պետական կառավարումը իրականացվի համընդհանուր քաղաքակրթական, ազգային-ավանդույթային փոխըմբռնման քաղաքականությանը համապատասխան: Ներկայումս կարեւորվում է, որ պետության կառավարման համակարգը ձեռով լինի ժողովրդավարական-գիտականությանը, իսկ բովանդակությամբ՝ ազգային: Ուստի, մարդկության արդիականացման ներկա շրջանը նպատակահարմար ենք համարում անվանել «Փոխըմբռնման ընդհանրության գիտականության սկզբունքով կառավարվող պետությունների» կամ ինքնակարգավորվող, ինքնակառավարվող պետությունների գործառնան շրջան: Մինչ ժողովրդավարական անցումից համախմբում հարացույցի գործառնումը, դարեր շարունակ պետական կառավարումը հենված էր երկու՝ աշխարհիկ ու հոգեւոր իշխանությունների փոխհարաբերությունների վրա: Գիտության, կրթության եւ մշակույթի կառավարման խնդիրները տարալուծված էին այդ երկուսում՝ հիմնականում գտնվելով հոգեւոր իշխանություն հոգածություն կենտրոնում:

Քաղաքական գործիչները ունեն իշխանություն, սակայն կրոնն ունի առավել մեծ ազդեցություն: Շախմատի տախտակի վրա քաղաքականությունը բաշխում է ֆիգուրներ, իսկ կրոնը փոխում է կյանքը: Կարելի է խաղաղ համաձայնագիր կնքել կլոր սեղանի շուրջ, սակայն եթե խաղաղություն ձգտումը չի աճում մարդկանց մտքերում եւ սրտերում, ապա այն չի կարող երկար կյանք ունենալ: Ազգային պետությունները երբեք չունենին այսքան փոքր ազդեցություն տնտեսական զարգացման, քաղաքական լանդշաֆտի եւ շրջակա միջավայրի ձեւավորման վրա, քանի որ այդ բոլոր երեւույթները չեն տեղայնացվում ազգային սահմանների ներսում¹:

Մարդը դարձել է ինդուստրիալ մեխանիզմի մի մասնիկ: Մինչդեռ ազգ-պետությունը ՀՀ-ում որպես հարաբերական անկախություն մեջ գտնվող ամբողջություն, ունենալով իր ներքին քաղաքակրթական տարածաժամանակը, գտնվում է ընդհանրական՝ գլոբալ քաղաքակրթական տարածաժամանակում: Այդ համակարգերի ներքին կարգավորվածություն, կենսագործունեություն եւ զարգացման, ինչպես նաեւ արտաքին՝ գլոբալ քաղաքակրթական շարժումները, փոխհարաբերություններն ու

¹ Shu D. Сакс, Достоинство различия. Как избежать столкновение цивилизаций. Мосты культуры, Москва, 2008, էջ 24:

փոխազդեցությունները կատարվում են բարոյական կամ հակառակը՝ բարոյազուրկ ուղղվածություն ունեցող քաղաքակրթական սեփականություն դաշտերում առկա «նպաստակամորդ գործողության սկզբունքով»: Այստեղ սեփականության դաշտը համալիր երևույթ է և նյութական, հոգևոր ու մտավոր ազգային-քաղաքականության արժեքների փոխընդունակի ամբողջություն: Այս հենքի վրա կարեւորենք պետության կառավարման ընդհանուր համակարգում հստակ բաժանումը երկրի կենսագործունեության ու զարգացման կառավարումների միջև, որն իր նպատակային ուղղվածությամբ պետք է հենված լինի հասարակության ազգային նյութական, հոգևոր ու մտավոր արժեքների պետական պաշտպանվածության և քնականոն զարգացման վրա: Կարեւոր է պետական կառավարման համակարգում իշխանություն իրականացնել նորովի՝ փոխընդունակի տեղ, դեր եւ նշանակություն պետք է ունենան նաեւ գիտությունը, մշակույթն ու բարոյականությունը:

Արդի մարտահրավերներին համահունչ ե՛լ պետությունը, ե՛լ Եկեղեցին որոշակիորեն պետք է փոխհարաբերվեն՝ ներառելով հայ ժողովրդի արդիականացման բովանդակությունը, որը սկզբնավորվեց 301-ին քրիստոնեության ընդունումից եւ 387 թ. Պարսկաստանի ու Բյուզանդիայի միջև Հայաստանի բաժանումից հետո: Այս համատեքստում հայ կառավարող ընտրանին նորովի լուծեց պետություն-Եկեղեցի փոխհարաբերության հիմնախնդիրը: Բրիստոնեության ընդունումն ու գրեթե գյուտը դարձան Արեւելքի (Սասանյան Պարսկաստան) եւ Արեւմուտքի (Բյուզանդական կայսրություն) կողմից ձուլման սպառնալիքի դեմ պայքարի հիմնական զենքերը: Գրեթե գյուտը հնարավորություն ընձեռեց հրաժարվելու հունարեն եւ ասորերեն լեզվով քրիստոնեության քարոզումից, ազատվելու բյուզանդական ազդեցությունից: Այդ առումով Ա. Թոյնբին նշում է, որ դա օգնեց հայ ժողովրդին՝ ազգի եւ քաղաքակրթական ինքնություն գծերի պահպանմանը²: Պետության թուլացումից եւ անկումից հետո տեղի ունեցած փոփոխությունները Հայ եկեղեցուն դարձրին քաղաքական ինքնություն ազգային միավոր, որի բնականոն արդիականացումը Հայաստանում ուղեկցվեց դպրոցական կրթության լայն ծավալմամբ եւ թարգմանչական գործունեությամբ:

Հայ ժողովրդի առաքելական քաղաքակրթական հիմքի առանձնահատկություններից մեկն այն է, որ պատմական յուրաքանչյուր դարաշրջանում նա ձգտել է ունենալ ազգային կյանք՝ ոչ միայն վերարտադ-

² Shtu A. Тойнби, Постигание истории, Пер. с англ./сост. А. Огурцов, Москва, 1991, էջ 79:

րելով իր մշակույթի ավանդական ազգագրական շերտը, այլեւ արդիականացնելով մշակույթի բարձր՝ քաղաքակրթական շերտի ձեւերը՝ զիր, գրականություն և դպրոց, գրադարանություն և մամուլ, գիտություն և գեղարվեստ, ճարտարապետություն և շինարարական արվեստ, ինչպես նաև հանրային կյանքի իրավաքաղաքական կազմակերպում, որոնք ծառայել են ազգային կյանքի կազմակերպմանը: Պետականության կորստից հետո դառնալով նշված արժեքների ստեղծման դերակատար՝ Հայ եկեղեցին ոչ թե փոխարինեց ազգային կյանքի կազմակերպման ու կառավարման ամբողջ համակարգին (ինչպես լինում է կրոնաիշխանական քաղաքական կարգերում), այլ դարձավ այդ համակարգի առանցքային բաղկացուցիչ մաս: Պետականությունից զրկված մարզպանական Հայաստանի համար կարեւորվում է Հայ եկեղեցու դավանաբանական ինքնության եւ ազատության ապահովումը³:

Հայկական քաղաքակրթության բնորոշման մյուս կարեւոր գործոնը գրերի գյուտն էր, որը, հանգեցնելով մայրենի լեզվով մատենագրության տարածմանը, մեծացրեց ոչ միայն ոգեղենականության բաղադրիչը, այլեւ ընդարձակեց առաքելականության սահմանները՝ դառնալով պաշտպանական հզոր վահան օտարերկրյա նվաճողների վարած քաղաքականության դեմ: Փաստորեն գրերի գյուտից, առաքելական եկեղեցու հիմնադրումից հետո հայերը կարգավորեցին իրենց արժեհամակարգը: Այս գործընթացում որոշիչ դեր ունեցան եկեղեցական ժողովները, որոնք իրենց վերապահելով «օրենսդիր գործոնի նշանակություն»՝ օտագործել են «սահմանք» եզրույթը, որը «...հաճախ կրում է «կանոնի», «օրենքի» հոմանիշ իմաստ...»⁴: Այդ առումով նշանակալից էին Աշտիշատի 354 թ. ազգային-եկեղեցական առաջին ժողովի ընդունած որոշումները⁵: Քաղաքական պայմանների հրամայականներից ելնելով՝ Հայ Առաքելական Սուրբ եկեղեցին իր գործունեության դավանաբանական ոլորտում ներառեց Հայ ժողովրդի ինքնությունն ու սոցիալ-քաղաքական, մշակութային պաշտպանությունը. «Մի առանձին կարեւորություն ներկայացնող խնդիր է Հայ հանրային կյանքի կազմակերպվածքի մեջ եկեղեցու՝ որպես հասարակական հաստատության գրաված տեղը, այն դերը, որ նա, որպես այդպիսին, կատարեց Հայ ժողովրդի պատմության ընթացքում»⁶:

³ Եզնիկ քին. Պետրոսյան, Հայ եկեղեցու պատմություն, մաս Ա., Երևան, 1990, էջ 49:

⁴ Խ. Սամուելյան, Հին հայ իրավունքի պատմություն, հ. 1, Երևան, 1939, էջ 46:

⁵ Տևս անդ, էջ 337:

⁶ Հ. Գևորգյան, Փիլիսոփայություն, պատմություն, մշակույթ, Երևան, 2005, էջ 96:

Անցել են այն ժամանակները, երբ կառավարման համակարգը ամբողջովին կարող էր հենվել նյութական արժեքային դաշտի վրա. գործընթացների ներկայիս արագությունն այլեւս հնարավորություն չի տալիս, որ կառավարման համակարգը մնա մեկ կամ մի քանի անհատների որոշումներից կախված: Այն պարտադիր պետք է վերածվի իմացարանական առումով՝ գիտալերյունականի, իսկ կազմակերպչական առումով՝ լինի ինքնակառավարվող եւ ինքնակարգավորվող: Պետության գերագույն իշխանությունը կառավարման օրենքներից ելնելով՝ ներկա իրականությունն ուղղակի պարտադրում է, որ այն միաժամանակ հենվի քաղաքակրթական երեք՝ նյութական, հոգևոր ու մտավոր արժեքների վրա: Դրանցից անգամ մեկի բացակայությունը վտանգում է հասարակական համակարգի լինելության եւ զարգացման բարոյանպատակամետ ընթացքը: Նախապես անդրադառնանք հասարակական համակարգերում նրա եւ ենթահամակարգերի փոխհարաբերման ձևին ու կառավարման համակարգով պայմանավորված կայունության խնդիրներին: Ինչպես ցույց ենք տվել աշխատանքում, երկբեւեռ կամայական համագործակցությունը, այսպես թե այնպես, ի վերջո հանգում է հակամարտության կամ փոխադարձ վանման: Համակարգի կայուն համագործակցությունը հնարավոր է դառնում եռաբեւեռ՝ եռանկյունային համագործակցության դաշտի պայմաններում: Այդ առումով հայ քաղաքագետ Մ. Մարգարյանը իրավացիորեն նշել է. «...ժամանակի մարտահրավերներին պարտապարհ լինելու համար անհրաժեշտ է ինքնակազմակերպվել, ինքնահասարակվել ու ինքնաիրացնել հայ «Ես»-ը, քանի որ միայն այսպես է հնարավոր գործալ քաղաքակրթության մեջ պահպանել հայերիս ուրույն րեղը, դերը եւ րեասկը. լինել ամբողջի մասը՝ ազգային ինքնությանը»⁷:

Համաձայնելով քաղաքագետի հետ՝ նշենք, որ ժամանակակից պետության կառավարման համակարգը պետք է ունենա նպատակամետ գործողության ուղղվածություն՝ փոխրացումային քաղաքականության միջոցով արդիականացնել «Ես», «Նա», «Մենք» եւ «Նրանք» րազմաշափ գործողությունների սրացած արդյունքները ժողովրդավարության իշխանության մշակույթի կառավարման միջոցով: Այս համատեքստում հատկանշական է ամերիկացի հայտնի սոցիոլոգ եւ քաղաքագետ Ռ. Ինգլհարտի մոտեցումը, որի համաձայն՝ պետության րարձրագույն իշխանությունը եւս առանձին ամբողջություն կազմող

⁷ Մ. Մարգարյան, Քաղաքական արդիականացման եւ զարգացման հիմնահարցեր, Երեւան, 2004, էջ 16:

իշխանությունների փոխընդունման ամբողջությունը⁸: Վերջինիս բնորոշ են աշխարհիկ ու հոգեւոր իշխանութեան համակարգերի բնականոն ինքնակարգավորման, ինքնազարգացման, ինքնակառավարման փոխընդունման մեխանիզմները: Ակնհայտ է, որ թե՛ աշխարհիկ, թե՛ հոգեւոր իշխանութիւնները պետք է ներդաշնակելով նպաստեն ազգային ինքնութեան արդիականացմանը, որը կնպաստի մասնակցային մշակութի բնականոն զարգացմանը:

Ուստի, պետութեան կառավարումը եռաբևեռ փոխընդունման համագործակցության կառույց է, որտեղ ընդգծված հստակութեամբ իրենց տեղը, դերն ու նշանակութիւնը պետք է ունենա երկրի հոգևոր, միապետը եւ նյութական ներուժը: Դրանց փոխընդունման հարաճուն համաձայնվածութիւնը համապատասխանեցվում է հասարակական համակարգի սեփականութեան դաշտի բաշխվածութեանը եւ նրա նպատակային զարգացման հեռանկարին: Ուստի, ազգ-պետութիւնը, որպէս նյութի (մատերիայի) ձեւ, ըստ էութեան ինքնակարգավորվող, ինքնակառավարվող, լինելութեան կենսագործունեութեան, ինքնավերարտադրման, պաշտպանութեան, անվտանգութեան եւ զարգացման բնական խնդիրներով ամբողջականացված կենդանի մի օրգանիզմ է՝ օժտված ներքին՝ զգայական (հոգեւոր) եւ արտաքին՝ բնական մտավոր-վերլուծական արժեքային առաջնայնութեամբ: Դրանց համապատասխան արժեքները բաշխվում են հասարակական համակարգի մշակութաքաղաքակրթական եւ սեփականութեան դաշտերի միջեւ՝ իշխանութեան իրականացման մշակութի միջոցով ընդարձակելով մասնակցութեան սոցիալական եւ մշակութային տարածութիւնը:

Այս առումով դա ենթադրում է նա աշխարհիկ, նա հոգևոր քննադատական, մրցունակ, ազգայնական գործունեություն եւ անորոշությունների կանխում: Քաղաքակրթական անորոշութիւնների կանխումը, որպէս երեւոյթ, պարտադրում է մասնակցային մշակույթի միջոցով համագործակցային փոխընդունման աշխարհիկի ու հոգևորի ներդաշնակում: Միայն այդ միջոցով ե՛ւ հայ հասարակութիւնը, ե՛ւ ողջ աշխարհը, որպէս ինքնապաշտպանական միջոց, խուսափելով ինքնապատակութեան վերածվող վտանգավոր պայքարից, անցնում են քաղաքակրթ բարոյամետ երկխոսութեան՝ հիմնված «Տեսակն իրավուք չունի ոչնչացնել տեսակին՝ աշխարհը դրանով աղքատանում է» սկզբունքի վրա:

⁸ И. Вельцель, Модернизация, культурные изменения и демократия: Последовательность человеческого развития, Москва, 2011.

РЕЗЮМЕ

Статья посвящена вопросу взаимоотношения государства и церкви посредством развития участнической культуры для преодоления вызовов времени. Рассматривая государственное управление как взаимодополняющее единство властей, в статье отмечается особое значение трехполярной взаимодополняющей структуры сотрудничества, где важнейшим является процесс модернизации систем ценностей духовного, интеллектуального и материального потенциала страны. В этом контексте в статье особо рассматриваются и подчеркиваются место и роль армянской церкви в каждой исторической эпохе как в воспроизведении страты национальной культуры, так и в модернизации форм слоев цивилизации. Автор статьи считает, что в процессе демократизации государственная система управления действует эффективно, если она основана на научно-обоснованном управлении, что создает возможность для конвергенции универсальных, демократических и национальных ценностей и интересов.

SUMMARY

The article is dedicated to the problem of relations between the State and the Church through the development of participatory culture for overcoming challenges of time. Considering the public administration as a complementary unity of authorities, the article gives great importance to the tripolar complementary structure of cooperation, where the process of modernization of value systems of spiritual, intellectual and material potential of the country is of crucial importance. In that context it specifically examines the role of the Armenian Church in each historical period both in regeneration of national culture layers, and in modernization of forms of civilization layers. It is insisted in that public administration system functions effectively in the process of democratization, if it is founded on evidence-based management. This allows for a convergence of both universal, democratic and national values, and interests.

